



Ramiro Rodríguez Suárez, deputado do Grupo Provincial do BNG, ao abeiro da Lei da Administración Local de Galiza e demais disposicións concordantes, presentan para o seu debate e aprobación a seguinte **MOCIÓN A RESPECTO DA SITUACIÓN DO SPU CORREOS**

EXPOSICIÓN DE MOTIVOS

A situación de desmantelamento e privatización do servizo de correos ao longo dos últimos lustros é un feito, como así constata os datos dos últimos anos. Aínda non coñecemos as contas do 2.016 pero a xefatura confirma que irán na liña das anteriores. A realidade é demolodera: en oito anos lévanse perdido, no estado, en torno a 20.000 empregados. Os mil puntos de atención perdidos correspóndense cos dos enlaces rurais en pequenos núcleos nestes oito anos (pasando de 9.926 a 8.946) pois mentres a rede de Oficinas Técnicas seguen sendo as mesmas, as oficinas auxiliares, atendidas por un carteiro en xornada parcial unha hora diaria de promedio en locais cedidos polos Concellos, son as que pechan.

Cuantificando este descenso: desapareceron só nestes últimos 8 anos, dos que existen datos oficiais, 1.113 carteiros rurais en todo o estado, e 980 puntos de atención, as devanditas oficinas auxiliares atendidas de xeito unipersoal antes mencionadas.

Particularmente vense lesionados os artigos 23 e 24 coa política de Correos de amortizar a práctica totalidade das vacantes dos enlaces rurais obrigando, tras un estudos dos equipos de dimensionamento, ao persoal que presta os seus servizos na mesma oficina en áreas colindantes, a asumir forzosamente partes das áreas de reparto amortizadas, ou a desprazarse a outras áreas incluso se é preciso.

Esta problemática ven sendo denunciada pola CIG por todos os medios desde vello. Ourense xa perdera, antes da xeneralización das novas tecnoloxías e da crise o 33% dos carteiros rurais no intervalo de dez anos dende o 1.996 ata o 2.006, pasando de 330 a 212. Pero a crúa realidade é que a día de hoxe, a finais do 2.016 xa só hai 153, é dicir, outro 30% menos nun intervalo similar. O ritmo de destrución de emprego e de un terzo menos de carteiros rurais por década, o cal non resulta para nada proporcionado co porcentaxe a nivel do estado: en total só desaparecen 1.113 no Estado (15%) dos que 60 son de Ourense, o que representa o 30%. En Lugo por exemplo hai moitos mais, concretamente 229 cun censo de poboación, extensión e dispersión moi similares ás nosas.

Ourense xa foi o coello de indias antes da crise en todo este proceso de racionalización e amortización. Fómolo ao ser a primeira provincia onde en Oficinas Técnicas eliminouse ata a figura do Carteiro Urban, empezando en Bande, pero seguindo con Castro Caldelas,

Tamén a primeira onde as Oficinas Técnicas perden tal categoría ao xubilarse o funcionario do grupo C1 que as atendía, pasando a oficinas satélites con horario de atención ao público incompleto: Cortegada.

A desaparición dos carteiros rurais, ten unha incidencia enorme en Galiza, temos máis de 30.000 núcleos de poboación, máis da metade dos do estado español, e sigularmente na nosa Provincia, co que de novo demostrase que somos a irmá pobre do sistema. Isto engadido ao feito de que se eliminan servizos dos concellos, tanto públicos como privados, aboca a moitos veciños e veciñas a desprazáranse a zonas máis poboadas, provocando a desertización de numerosos núcleos de poboación (contamos con 321 segundo datos do IGE, na nosa provincia, que non contan con ningún habitante) e xerando un problema engadido polo feito do abandono do rural de consecuencias sociais, económicas e medioambientais de enorme dimensión.

O reparto no ámbito rural é a esencia que converte a Correos nun servizo público, a prestación do Servizo Postal Universal, aquel que Correos ten encomendado por Lei e que garante un acceso en condicións de igualdade non discriminatorias e a un prezo asequible a todos os cidadáns con independencia da súa residencia,

Por todo o anterior exposto SOLICITAMOS a adoción por parte da Deputación do seguinte

ACORDO

O Pleno da Deputación insta ao Goberno do Estado a:

- 1.- Incrementar o financiamento do Servizo Postal Universal.
- 2.- Cuantificar o custo real do S.P.U
- 3.- Creación do fondo de compensación que prevé a Lei.
- 4.- Un pacto laboral que contemple a recuperación salarial dos recortes aplicados desde 2010 e taxas de reposición de emprego do 100% ao longo dos vindeiros anos, mediante procesos de contratación ética, xusta e transparente.

Ourense, 11 de maio de 2017

Asdo.: Ramiro Rodríguez Suárez

SR. PRESIDENTE DA DEPUTACIÓN PROVINCIAL